



# Lescha forestala

## Revisiun parziala

### M E S S A D I

dalla suprastonza communalala al cussegl da vischnaunca

Stimau signur president  
Preziadas signuras cusseglieras  
Preziai signurs cussegliers

La lescha forestala datescha dils 18 d'avrel 1999. Ella ei secumprovada e corrispunda alla legislaziun federala e cantunala. Perquei drova ei neginas midadas fundamentalas. Perencunter ei ina adattaziun alla nova constituziun communalala ed al niev sistem legislativ indicada. Quella adattaziun ei previda el program d'activitad 2009 – 2012. La finamira ei da plazzar las singulas determinaziuns el dretg liug, seigi quei ella constituziun communalala, ella lescha (damondas da muntada) ni en regulativs (relaschai dil cussegl da vischnaunca) ni en reglaments executivs dalla suprastonza communalala (detagls administrativs etc.). Entgins fatgs vegnan reglai en autras disposiziuns sco l'elecziun dil forester e sia salarisaziun.

In auter exempel ei la prescripziun che pigneuls astgan vegnir tagliai sulettamein sut survegionza forestala. Quei scamond vala vinavon. El duei vegnir publicaus mintg'onn el Fegl uffical dalla Surselva, quei en connex cun la publicaziun dalla vendita da pigneuls. Quei ei ina funcziun administrativa, che sto buca vegnir francada ella lescha.

Conform alla nova reglamentaziun ei la suprastonza communal cumpetenta da relaschar il reglament davart il diever dallas vias d'uaul. Quei sto vegnir francau expressivamein ella lescha (art. 12). Sin fundament dallas experienzas dils davos onns e dils giavischs da vischins e vischinas ston entginas stipulaziuns da quei reglament vegnir reexaminadas. Nus prevedin da reglar en quei reglament era il diever dallas ulteriuras vias communalas. Perquei duei el seclamar el futur "Reglament da traffic".

Pigl unviern vegnent vegnin nus ad haver ils problems usitai cun ils vehichels che carreschan sin vias serradas. Igl ei da ponderar, schebein ins catta ina sligiazion provisoriala cun ina publicaziun (scamond) el Fegl uffical dalla Surselva.

Aschinavon ch'ei vegn buca instradau in referendum, sa la revisiun passar igl εμπрем da schaner 2011 en vigur.

La revisiun parziala sto vegnir approvada digl Uffeci forestal dil Grischun.

## Proposta


La suprastonza communal

### propo na

al cussegl da vischnaunca:

1. d'approbar la revisiun parziala dalla lescha forestala;
2. da suttametter quei conclus el senn d'art. 21, lit. b dalla costituziun communal al referendum facultativ.

Suprastonza communal Disentis/Mustér  
Il president: Il canzlist:

  
Dr. Dumeni Columberg

  
Andri Hendry

Disentis/Mustér, ils 25 d'october 2010